



Kar kökkääl eliktata: Julae 24, 2020

Melele in Kajinet ñan an Aoleben State eo Bar Bellok - Kaam in Raan ilo Jemar an Ro im Dettaer wöt RiJikuul

Maroñ eo: Wötär jen Ra In Kömman Nömba 20-27, ORS 433.441, ORS 433.443, ORS 431A.010

Ekkar ñan: Melele in kajinet in ej jerbäl ñan rikömadmöd kaam in raan ilo jemar ñan ajiri ro dettaer wot rijikuul. Kaam ko rej kiki in boñ ñan rütto, jodikdik im baamle ko remelim ilo county ko rebed ilo Alen Ruo wöt im rej loor [Melele in Kajinet eo an Alen Ruo ikijen Ikkure Inaböj](#).

Kabin: Ñan joñan an melele in kajinet in aikuj loor kin jet kakien ko, enaj mennin kabin einwöt kalikar ilo Wötär jen Ra In Kömman 20-27, ioon 26.

Kömelele ko: Kin wünin melele in kajinet in, kömelele ko laajrak rekkar:

- “Kaam ko” ej koba jabdewöt jarin ajiri kakien iomwin juon töre me emöj kaalikkar ilo awa in raan ibben rikoonjel ro jodikdik ak rütto (kaam in ikkure ko, kaam in al im köjañjañ, kaam in melaj im mejatoto, kaam in jiña, eierlok wöt) itulikin jikin kejbarok ajiri ak emakütküt in jelälökjen ilo jemar kakien jen juon jikuul.

Elab aurökin kaam ko einwöt makütküt in köddek ajiri ro im dettaer wöt ri-jikuul (K-12) im rebareinwöt aurök einwöt wewein kejbarok ajiri ñan elöñ jineir im jemeir me rej jerbäl.

Kinke kajojo kaam in jemar reoktak, enaj eaurök an droulul ko rej kömmane ien kein lale melele in kajinet eo jen Oregon Maroñ ikijen Ejmour ñan [baak ko](#), [möko imön emakütküt in ejmour im jikin kaboñboñ](#), im melele in kajinet ko jet kin jikin ko rej kömmani kaam ko. Elab tokjen an droulul in kaam ko im droulul ko jet karejar ibben doon im rikaam ro renaj iten kadeloñ makütküt ko ie im möko ijo.

Melelein Kajinet kin Kömadmöd

Aoleb kaam ko rej aikuj in:

- En wör juon plan jeje ikijen bök eddo ioon nañinmij ekabobo. Plan in ej aikuj in koba:
 - Laajrakin köjjeläik [Maroñ kin Ejmourin Lobelej ilo Bukön eo](#) (LPHA) kin jabdrewöt keij in COVID-19 emöj kamool ewör ibben rikaam ak rijerbäl ro;
 - Juon wewein madmöd im jei rekoot ñan jibañe LPHA, einwöt aikuji, kin anök ro rej kebaake doon;
 - Laajrak kin wewein am etale rikaam im rijerbäl ro kin kakölle ko;

- Laajrak me ej kakien ke jabdrewōt armij enaŋinmij ak emōj kebaak im en jab deloŋe kaam eo; im bōlen kabōjrak makūtkūt ko an kaam eo.
- Jei laajrakin makūtkūt ko an kajojo droulul ebin kajojo raan (melelein “ebin” ej ejja rikaam ro 10 ak ietlok ilo droulul eo kajojo raan). Komij aikuj in dāpij jeje kein ejjab diklok jen 4 wiik elikin aer kadedelok kaam eo im aikuj in tōbrak kakien kein laajrak ŋan jibaŋe aer anōk ro me rej kebaak doon, ŋe rej aikuji:
 - Etan rikaam eo
 - Awa in kōto/kauwe
 - Rūtto eo im ej kadede erro ekto-ektak
 - Melele ko ŋan kebaak juon rūtto ilo ien idiŋ
 - Aoleb rijerbal ro me rej emakūtkūt ibben juon jarin rikaam ebin (koba rijerbal ebebe)
 - Beba ko ŋan kadeloŋ ak bar wewein ko rekkā an kaam ko aini melele ko jen rikaam ro ej aikuj in koba melele ko ŋan kebaak aoleb rikaam im rijerbal ro
- Kamo jen kaam eo jabdrewōt rikaam ak rijerbal im rejelā ke emōj an kebaake (einwōt jen juon uaan kapijukunen eo an) COVID-19 ilo raan ko 14 mokta.
- Kenono ŋan rijerbal ro bwe ren jab iten jermal, im kajinet ŋan jinen im jemen rikaam ro bwe ren jab bōktok rikaam ro nājeir ŋan kaam eo, elaŋe ekar wōr aer ak an jabdrewōt iaan ro uaan kapijukunen eo naŋinmij ak biba ak bokbok kāāl ilo raan ko rej kab mootlok. Ren bed wōt mōko imweir iomwin ejjab diklok jen 10 raan elikin jinoin naŋinmij eo im mae 72 awa elikin an biba eo jako, im rekar jab kōjerbal wūnoin kadiklok biba, im kakōllein COVID-19 (biba, bokbok, kōjeeklok, im ilok loje) remmanlok. Kwōjab aikuj in kamo rijerbal ro ak rikaam ro im elōŋ aer biba me ejjab juon bokbok me ekāāl jinoin (einwōt wōrlok, kadōk, im men ko jet) jen kaam eo. Kaam ko remaroŋ kelet ŋan aini melele ko kin abaŋ ko me rej bed wōt im rej kōmman bokbok ilo beba in kadeloŋ ko.
- Ripoot ŋan im kenono ibben [LPHA](#) eo kin am karreo im bōlen kilōk kilaj ruum ak būrookraam eo, elaŋe emōj kakōlkōl ke elōŋ COVID-19 ibben jabdrewōt armij emōj an deloŋe kaam eo.
- Ripoot ŋan [LPHA](#) eo kin jabdrewōt kumi in rinaŋinmij ibben rijerbal ak rijikuul ro ilo būrookraam in kaam in jemar eo.

Kin Aoleb

Aoleb kaam ko rej aikuji in:

- Etale im kōjejjet kūtien [Melele in Kajinet ŋan Jikin Jermal ko](#).
- Kakememej aoleb rijerbal im jinen im jemen rikaam ro bwe ren lolorjake bwe er make im ajiri ro nājeir ren bed wōt mōko imweir kin jabdrewōt naŋinmij me elōŋ an biba, bokbok ekāāl, ak kōjeeklok.
 - Armij ro ren bed wōt mōko imweir iomwin ejjab diklok jen 10 raan elikin jinoin naŋinmij eo im mae 72 awa elikin an biba eo jako, im rekar jab

kōjerbal wūnoin kadiklok biba, im kakōllein COVID-19 (biba, bokbok, kōjeeklok, im ilok loje) remmanlok.

- Kaam ko rej aikuj lelok ijoko jikin kwal bā, peba tissue, jikin jokbej me ebidodo kōjerbal ñan rikaam im rijerbal ro.
- Rōjañe aoleben armij ro ilo kaam eo bwe en ikut aer kwal beir (einwōt elikin aer kōjerbal imōn kōbojak, mokta jen im elikin aer mōñā kijeer, elikin aer deloñ mweo, elikin aer maje, ba, ak bokbok) kin joob im dān iomwin ejjab diklok jen 20 jekōn.
 - Ijellokun ñe rej mōñā, kōmat, ak kōmadmōd mōñā im elikin aer kōjerbal imōn kōbojak, kein manman kij jen bā me ej kōmman jen arkool (60 ñan 95%) emaroñ bōk jikin kwal beir. Ñe ejjelok joob im dān (einwōt ilo juon kaam ilo ene itulik), kwō maroñ kōjerbal kein manman kij ilo bā me ej kōmman jen arkool; bōtab, kwōn lukkuun kajjioñ ñan jibañ aer kwal beir kin joob im dān. Kwōn kōttōn kein manman kij ioon bā ilo juon jikin im ri-jikuul ro im rediklok jen lalem (5) iiō dettaer reban jibwe elañe armij rejjab kōjerbale.

En ikut am kakememej rijerbal im rikaam ro bwe ren kōmman men kein laajrak:

- Kalbubuuk aer bokbok im maje kin tissue ak jimwin beir;
 - Kaju im jolok jabdrewōt tissue ilo juon nien jokbej; im
 - Karreoik beir elikin aer kalbubu aer bokbok im maje, im elikin aer jolok tissue ko me emōj kōjerbale.
- Kadiklok aer ekkeitaak enbwin ilo ien ekto-ekatak ilo aṃ kōmelem an ro jineir im jemeir bwe ren bed wōt inabōjin mweo ilo ien aer jain ñan kadeloñ ak kadiwōj nājeir ajiri. Lōmnake aṃ naj ukoktak ien ekto-ektak im kadiklok aer kōjerbale men ko ekkā-jibwe (kein jeje, clip board ko, im men ko jet).

Mask in iturin māj ko im kein kalbubu iturin māj:

- Rijerbal/rikoonjel ro rej aikuj ekōnak juon mask, kein bōbrae iturin māj ak kein kalbubu iturin māj ilo aer loore [Melele in Kajinet eo an Aoleben State eo kin Kein Kalbubu Māj ko an Jikin Taktō, Kein Bōbrae Iturin Māj, Kein Kalbubu Iturin Māj](#)
- Ri-kaam ro im rej lalem (5) im lablok iiō dettaer reaikuj ekōnak juon mask, kein bōbrae iturin māj ak kein kalbubu iturin māj ñe rej bōk kunaer ilo makūtkūt in kaam, iloan em im inabōj ñe reban lolorjake jiljino (6) ne ettolok kin enbwin.
 - Ri-kaam ro rejjab aikuj ekōnak juon mask, kein bōbrae iturin māj ak kein kalbubu iturin māj ñe rej bōk kunaer ilo juon makūtkūt me ej kaabañ, einwōt ñe rej aō ak kōjañe juon kein kōjañjañ brass ak woodwind.
 - Kaam ko ren kajjioñ lelok juon kein kalbubu iturin māj ñan rikaam ro im ejellok juon aer kein kalbubu iturin māj ak rekar meloklok in bōk juon.
- Ri-kaam ro diklok jen ruo (2) iiō dettaer rejab aikuj ekōnak juon mask, kein bōbrae iturin māj, ak kein kalbubu iturin māj.

- Kōmij kanooj in rōjañ ke rikaam ro ikōtaan ruo (2) im lalem (5) iiō dettaer, ren ekōnak juon mask, kein bōbrae iturin māj, ak kein kalbubu iturin māj iomwin aoleb ien makūtkūt in kaam iloan em im inabōj.
- Ajiri ro jekdon jete aer yiō ren **jab** ekōnak juon kein kalbubu māj einwot an jikin taktō, kein bōbrae iturin māj, ak kein kalbubu iturin māj:
 - Elañe ewōr aer abañ in ejmour ej kaabañ aer menono;
 - Elañe elōñ aer utamwe me ej bōbrae aer kōnake juon mask, kein bōbrae iturin māj, ak kein kalbubu iturin māj;
 - Elañe rejaje utūki mask in iturin māj, kein bōbrae iturin māj, ak kein kalbubu iturin māj eo; ak
 - Ñe rej kiki.
- Emo an kaam ko kamo an ajiri kadeloñ makūtkūt im ekatak ko kinke reban kōnake juon mask, kein bōbrae iturin māj, ak kein kalbubu iturin māj. Rijerbal im rikaam ro im elōñ aer abañ ikijen wūno/ejmour me ej kaabañ aer emenono ak juon aer utamwe me ej bōbrae an armij eo ekōnak juon mask, kein bōbrae iturin māj ak kein kalbubu iturin māj emaroñ kajitōk bwe ren kōmman ial ñan kōmaroñ an ebōk aoleb jibañ, kōmakūt, im mōko me rebellok ñan armej in lobelej ilo juon wewein einwōt. Juon wewein kōmman ial ebwe ejjab koba aer kōmelem wōt an juon rijerbal ak rikaam deloñe makūtkūt ak ekatak ko jekdon ejjelok juon an mask, kein kalbubu iturin māj ak kein bōbrae iturin māj.

Etale kin kakōlle ko. Ak ñe juon armij enañinmij?

Aoleb kaam ko rej aikuj in:

- Jāāk kin bokbok im biba kāāl an jabdrewōt armij im ej deloñ mōko/jikin kaam eo ak ej jerbal ibben rikaam im rijerbal ro. Armij ro im elōñ aer biba im elablok jen ak ejejjet 100.4° F en jab melem aer deloñ. COVID-19 ejjab walok ibben bwilin ak bokbok kāāl aoleb ien. Kakōllein COVID-19 rej koba biba im bokbok kāāl, im bareinwōt kōjeeklok ak abañ an menono, biba, bio; emetak majel, emetak būruon, im ekāāl an nemān ak bwiin jabdrewōt ejako.
 - Elañe jinen ak jemen juon rikaam reban jāāk bwilin, kaam eo ej aikuj in jāāk bwilin.
- Kaju im kōjenolok rikaam jen ro jet, ñe juon rikaam ak rijerbal ej kwalok juon bokbok kāāl (einwōt ejjab jen juon abañ me emōj an bed einwōt wōrlok), biba, kōjeeklok, ak bar kakōllein COVID-19 ilo ien emakūtkūt ilo raan in kaam/kilaj eo, im kaju im jilkinlok ñan mweo imweir ñan joñan aṃ maroñ.
 - Ñe komij kōttar wōt an jinen ak jemen ektak juon ajiri enañinmij, juon rijerbal ej aikuj bed wōt ibben rikaam eo ilo juon ruum ejenolok jen ro jet. Ri-kejbarok eo en bed wōt im ettolok jen ajiri eo ñan joñan an maroñ ilo an kejbaroke wōt (emmantata ejjab diklok jen jiljino (6) ne), ñe ej bed wōt ilo ejja ruum eo wōt.
 - Ri-kaam ak rijerbal eo enañinmij en bed wōt mweo imōn iomwin ejjab diklok jen 10 raan elikin jinoin nañinmij eo an im mae 72 awa elikin an biba

eo jako, im ejjab kōjerbal wūnoin kadiklok biba, im kakōllein COVID-19 (biba, bokbok, kōjeeklok, im ilok loje) remmanlok.

- Loloorjake ke elōñ policy ko an kaam eo kin leave-in-nañinmij im jab-bed me rejelā oktak im rej kōmelem an rijerbal ro bed wōt mōko imweir ñe renañinmij.
- Ripoot ñan im karejar ibben maroñ kin ejmourin lobelej ilo bukōn kin wewein karreo im an maroñ kilōk, elañe ewōr jabdrewōt armij ear deloñe jikin kaam eo enaj mōj kakōlkōle kin COVID-19.
- Ripoot ñan maroñ kin ejmourin lobelej ilo bukōn kin jabdrewōt kumi in rinañinmij ibben rijerbal ak rikaam ro ilo burokraam in kaam in jemar eo.

Kōttolok-Ānbwin

Aoleb kaam ko rej aikuj in:

- Kōmman droulul in 10 ak iietlok ajiri im rebin (melelein “ebin” ej ejja 10 ajiri ro wōt ilo droulul eo kajojo raan).
 - Droulul eo ebin eban ukok elōñlok jen juon alen ilo juon wiik (einwōt kin kaam ko me rej madmōd ilo juon schedule in wiik).
 - Emelem kaam ko jimettan-raan im elōñ droulul ko reoktak ilo jibboñ im elikin raelep. Komij aikuj in kōmadmōde kilen manman kij ikōtaan ien kein. Juon jikin emaroñ ebōk ñan ruo (2) droulul ko rebin ilo juon raan.
 - Komij aikuj in tiljek ñan bōk eddoin ien kejbarok mokta im elikin ñan loloorjake ke rikaam ro rej bed wōt ibben ejja droulul eo ebin im renaj jolok aoleben raan eo ippeir.
 - Ilo juon kaam emaroñ in wōr elōñ droulul in 10 elañe mōko ak melan kaam eo ebwe ñan kōttolok-enbwin ekkar ñan wōran rikaam ro (en jab diklok jen 35 jukweea ne ñan kajojo rikaam ijoko iloan em; en jab diklok jen 75 jukweea ne ñan kajojo rikaam ijoko inabōj), im an rikaam ro maroñ bōk ak kōjerbal kijeer mōñā, imōn kōbojak, imōn tutu im makūtkūt ko rej walok ibben juon droulul in 10 ebin.
 - Droulul ko rebin renaj kōmman jen rikaam im rijerbal ro; rejjab bwini wōran rijerbal me reaikuj ilo juon droulul einwōt uan tarlepin 10. Rijerbal ro ren bed wōt ibben juon droulul wōt ñan joñan aer maroñ. Rijerbal ro me rej emakūtkūt ibben elōñ droulul ko rebin reaikuj kwal/jolok tōrañ jen beir ikōtaan emakūtkūt ko ibben elōñ droulul ko rebin.
 - **Kejbarok mokta im elikin:** Droulul ko rebin reaikuj koba ejja rikaam ro wōt iomwin ien ko kejbarok-mokta, iomwin raan in kaam eo, im iomwin ien kejbarok-elikin. Ri-kaam ro ren bed wōt ilo droulul ko rebin aoleb ien, jekdon elōñ juon wōt uan droulul eo ebin ilo ien kejbarok-mokta ak ilo kejbarok-elikin.
- Loloorjake ke kajojo droulul ebin ej bed wōt ilo ejja jikin eo iloan-em aoleb raan im ejjab emakūtkūt ibben bar jabdrewōt droulul, ñe ej bed iloan em.
- Kadiklok wōran rijerbal me rej emakūtkūt ibben kajojo droulul in rikaam; kwōaikuj jitōñe rijerbal ñan juon wōt droulul im ren jab emakūtkūt ikōtaan droulul ko ñe remaroñ. Elañe “rijerbal ebebe” ak rijerbal ro reoktak rej ukoktak ibben droulul eo ebin, ren loloorjake ñan kwal im manman kij ion beir mokta jen aer deloñe jikin

eo ibben droulul in rikaam ebin. Ñe ri-kenaan rej lotok kaam eo, reaikuj kwal ak manman kij ioon beir ñe rej deloñ im diwōj im ren ekōnak juon mask, kein bōbrae iturin māj ak kein kalbubu iturin māj ilo aer loore [Melele in Kajinet eo an Aoleben State eo kin Kein Kalbubu Māj an Jikin Taktō, kein Bōbrae Iturin Māj, Kein Kalbubu Iturin Māj](#)

- Rōjañe kōttolok-enbwin ilo makūtkūt im kilaj ko an kajojo raan, im lolorjake ejjab diklok jen jiljino (6) ne ikōtaan armij. Waanjoñak, kōmman būrookraam ko ilo wewein kein laajrak:
 - Jolok makūtkūt ko an droulul relab (lablok jen droulul eo aer ebin).
 - Kōlablok ettolok ikōtaan rikaam ro ilo ien jербal-tebōl.
 - Karōke makūtkūt ko im rejjab aikuj bwe elōñ rikaam ro me rej kebaake im ekkeitaak doon.
 - Jitōñe equipment (einwōt mweien jiña, kein kōjañjañ, bool, mitt, im men ko jet) ñan an juon wōt droulul kōjербale, ñan joñan aer maroñ, im manman kij ikōtaan ien kōmmālmel ak kōjербale. Ñe elōñ droulul ko im reaikuj ajej equipment, rej aikuj manman kij mokta jen im elikin an kajojo droulul ebin kōjербale.
 - Kadiklok ien jutak ilo lain ko im madmōde kilen lolorjake ke ewōr jiljino (6) ne ettolok ikōtaan rikaam.
 - Kamo ri-lolok im ri-volunteer ro me komi jab aikuji.
 - Lolorjake bwe en wōr ettolok-enbwin elablok ikōtaan ro me rej bōk kunaer kin emakūtkūt ko me rej kōjербal kein kōjañjañ brass ak woodwind kinke kein kōjañjañ kein remaroñ kaajeeded pil ko jidikdik jen menono ettolok jen jiljino (6) ne.
- Lolorjake kakien kin kōttolok-enbwin ñan makūtkūt ko rejenolok ilo kaam. Ro jinen im jemen ajiri ak ri-lolok ro jet remaroñ itok ñan kaam eo kin makūtkūt ko rejenolok (einwōt kaalwōje madmōd ilo theater, ikkure keem ko) ñe aoleb armij im rejjab bed ilo juon wōt kapijukunen ak droulul remaroñ kōttolok-enbwin jiljino (6) ne jen doon. Ri-lolok ro rej aikuj ekōnak juon mask, kein bōbrae iturin māj ak kein kalbubu iturin mej im manman kij ioon beir ñe rej deloñ.

Kōkajoor aer karreo, jolok jorren, im bellok ñan kōto

Aoleb kaam ko rej aikuj in:

- Karreo, manman kij, im jolok jorren ioon men ko ekut jibwe (waanjoñak, equipment ko ilo jikin ikkure, kein tallōñ me rej bed wōt, kein jibwe kejem, kein kōbellok bojet, kein idaak (drinking fountain), waan kōmakūt armej) elōñ kōtaan ilo juon raan.
- Bōbrae aer kōjербal men ko (waanjoñak, kein ikkure ko rebidodo) rebin karreoik, manman kij ioon, ak jolok jorren.
- Lolorjake ke ej kejbaroke im ejimwe am jolok jorren im lolorjake bwe ajiri reban jibwe product kein im loore kōmelele ko ioon lebōl ko me ri-kōmman eo ej kōjejjet.

- Lolorjake ke ejimwe an system in ejjedwawa madmōd im kwōn kōlablok an mejatoto in nabōj ejjedwawa ñan joñan am maroñ ilo am kōbellok wūntō im kejem ko, kōjberbal deel, im bar wewein ko.
 - Jab kōbellok wūntō im kejem ko ñe aṃ kōmman eindein enaaj kauwōtata ñan kōjparok ak ejmour (waanjoñak, kōtlok bwe pollen jen ut ko en deloñ im kōlablok kakōllein wōrlök) ñan rikaam ro me rej kōjberbal jikin eo.

Ito-itak ilo Melan/Kōmakūt Armij

Aoleb kaam ko rej aikuj in:

- Jab ito-itak ibben ro jet itulikin droulul eo aer ebin.
- Jei etan ro uaan droulul eo/ko (r)ebin im rijerbal ro koba rikattōr eo, ibben raan im awa in aer ito-itak im nōmba/laijen eo an wa eo.
- Kōmelem bwe rikattōr ro remaroñ kōmakūti elōñ droulul ko rebin. Rikattōr ro rej aikuj ekōnak juon mask, kein bōbrae iturin māj ak kein kalbubu iturin māj im manman kij ioon beir mokta jen im elikin aer kattōr ñan kajojo droulul ebin.
 - Kwōaikuj karreo wa ko ikōtaan kajojo droulul in rijikuul im rijerbal ro ilo aṃ loore [melele in kajinet eo an kōmakūt armij ilo wa](#).
- Lolorjake ke rikaam im rijerbal ro rej jijet ilo wa ko bwe en wōr jilu (3) ne ikōtaan armij.

Kōmadmōd mōñā

Aoleb kaam ko rej aikuj in:

- Lolorjake kilen jibwe im kōttōn mōñā.
- Lolorjake ke rikaam im rijerbal ro ren kwal beir kin joob im dān mokta jen aer mōñā. Ilo iiet wōt melan ko, (einwōt kaam ko ilo ene ko likin) im reban kōjberbal joob im dān kinke ejjelök aebōj ej toor, ebwe kōjberbal kein manman kij ilo bā me ej kōmman jen (60-95%) arkool.
- Rōjañe rikaam ro bwe ren bōk kijeer make mōñā, ñe remaroñ. Kipele rikaam ro bwe ren jab ajeji kijeer mōñā ibben rikaam ro jet.
- Kamo aer ajeji mōñā. Ñe kaam eo ej kōmadmōde mōñā, kaam ko reaikuj madmōde kijan kajojo armij ioon ñien kōnno ak ilo madmōdin buffet elañe rijerbal an kaam eo wōt rej kanne im rikaam ro rej lolorjake kilen kōttolök-enbwin ikōtaaer.

Bar jet men ko:

- Kaam ko rej kōmman ilo jikin an lobelej (einwōt baak ko) rej aikuj loor melele in kajinet ko an kaam ko rekkā ilōñ im jabdrewōt [melele in kajinet ko jet](#) ikijen jikin eo kaam eo ej bed ie. Waanjoñak, kaam ko ilo state baak ko rej aikuj loore kajinet ko ikijen kōjberbale state baak ko im bareinwōt kajinet ko kin jemar kaam.
- Ñe elōñ jikin tutu ilo kaam eo im rebed ilo county ko rebed ilo Alen 2, rej aikuj loor [melele in kajinet eo an Jikin Tutu Swimming Pool ko](#).

- Lake ko: Ri-kaam im rijerbal ro me rej tutu ak aō ilo lake ko ren loloorjake aer kōttolok 6-ne jen doon im loore aoleb men ko me emōj rōjañ kake ikijen kwal bā im bar mennin rōjañ ikijen hygiene. Mōko armij rej jānij aer nuknuk in tutu ie rej aikuj loor [melele in kajinet](#) eo an jikin rot eo ebaaktata (einwot ruum in lakkar, im men ko jet).
- Kaam ko rej aikuj katakin rijerbal ro mokta jen lukkuun jinoin kaam. Ñe rej lelok ekatak imaan armij, reaikuj loloorjake kōttolok-enbwin. Ekkatak in ej koba kōmmālmel kin melele ko, karreo/sanitation im kejbarok ikijen COVID-19.
- Rikaam im rijerbal ro me rej tōkeak kaam eo jen inabōjin US reaikuj kamool ke emōj aer bed ilo US iomwin 14 raan im ejañin wōr kakōlle ko ippeir (biba, bokbok, kōjeeklok) mokta jen jinoin kaam.
- Iomwin COVID-19 tōrein idiñ eo, ripoot ko ikijen kokkure ajiri ekar diklok elablok jen 60%. Jemar kaam ko reaikuj koba ekatak ñan kile im ripooti ñe rej ekkōljake ke juon armij ej kokkure ak kōjool ajiri. Rijerbal ro remaroñ ripooti jabdrewōt ien im rej ekkōljake an armij kokkure ajiri ilo aer kūri 1-855-503-SAFE (7233). Kein katak ko jet kwōmaroñ loi ilo [Jikin Mōkaj in Katak](#) im [Ra in Jelālokjen eo an Oregon](#).
- Wewein jarin armij kakobaba ej kōlablok uwōta ñan armij ro im elōñ jejjetin abañ ko kin ejmour ippeir. Jarin armij kein rej bed iomwin uwōta elablok kin jemlokin renana kin COVID-19. Kōmij kanooj in rōjañe rikaam im rijerbal ro ilo jar ko me rej lablok-uwōta bwe ren jab iten kaam.
 - Melelein uwōta-lab ej:
 - Armij ro 65 im rūttolok dettaer;
 - Armij ro ibben nañinmij in ār me ej bed wōt ak wōrlök ebwe ñan elab;
 - Armij ro im elōñ aer abañ kin bam ekauwōtata;
 - Armij ro im emōjno aer system in bōbrae (immunocompromised)
 - Armij ro me rekanooj in tebu (mass in enbwin laajrak (body mass index [BMI]) me ej 40 ak lablok);
 - Armij ro im retōñal;
 - Armij ro im elōñ aer nañinmij in kitini me ej bed wōt im rej ebök liklik;
 - Armij ro im elōñ aer nañinmij in aj; im
 - Jabdrewōt bar abañ ko me ej bed wōt imaanlok im emōj an OHA ak CDC kile.

Jerbal in jibañ ko jet:

- [Kōjellā im bija ko kwōmaroñ kajutak](#)
- [Melele in Kajinet ñan Aoleben State eo kin Kein Kalbubu Māj an Joñan ko ilo Jikin Taktō, Kein Bōbrae Iturin Māj, Im Kein Kalbubu Iturin Māj](#)
- [Melele in Kajinet an OHA ñan Aoleb Jikin Jerbal](#)
- [Melele in Kajinet an CDC ñan Rilelok ro an Baak im Imōn Ikkure ko](#)

Maroñ Loe Beba in: Ñan armij ro im elōñ aer utamwe ak kajojo armij ro im ewōr aer bar juon kajin oktak jen Kajin Belle, OHA emaroñ lelok Melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Mavel Morales ilo 1-844-882-7889, 711 TTY ak OHA.ADAModifications@dhsoha.state.or.us.